

Finanstilsynet-imit allagaq una 29. juni 2020-mi ullulerneqartoq GrønlandsBANKEN-imit qallunaatuumit kalaallisuunngortinneqarpoq. Kalaallisoortaani allassimasut pillugit nalornilertoqassappat, qallunaatoortaa atuutissaaq.

Grønlandsbanken aqqissuussaanermi aningaaserinermik suliffeqarfittut pingaarutilittut (SIFI)

Finanstilsynet-ip Grønlandsbanken Kalaallit Nunaanni aqqissuussaanermi aningaaserinermik suliffeqarfittut pingaarutilittut (SIFI) toqqarppaa. Tamatumunnga pissutaavoq, Grønlandsbanken Kalaallit Nunaanni SIFI-tut toqqarneqarnissamut uuttuutit marluk naliusut killissaasut ukiut tulleriinginnaat marluk qaangerlugit inissisimasimammat.

SIFI SIFI-ujunnaassaguni ukiuni tulleriinni pingasuni uuttuutini ataani allassimasuni naliusut killissaasut ataallugit inissisimassaaq, tak. § 308, imm. 4, Aningaaserinermik suliffeqarfiit pillugit inatsimmi Kalaallit Nunaannut atortussanngortitsineq pillugu peqqussummi (matuma kingorna "aningaaserinermik suliffeqarfik pillugu inatsit").

Uuttuutit

	2019	2018	Killigitat
Aningaaserivimmi oqimaaqatigiinneq BNP-p pct.-ia	36,8	33,3	>65
Aningaaseriviup Kalaallit Nunaanni taarsigassarsiarititai, Kalaallit Nunaanni aningaaseriviit realkreditimillu taarsigassarsiisartut ataatsimut taarsigassarsiarititaasa pct.-ii	82,5	85,3	>50
Aningaaseriviup Kalaallit Nunaanni aningaaserivimmiittuutai, Kalaallit Nunaanni aningaaseriviit Kalaallit Nunaanni ataatsimut aningaaserivimmiituutaasa pct.-ii	81,7	87,7	>50

Finanstilsynet-ip Grønlandsbanken-ip aqqissuussaanikkut pingaaruteqassusaa naatsorsorpaa (systemiskhed)

8,4-mut, tak. § 308, imm. 6, aningaaserinermik suliffeqarfiit pillugit inatsit. Aqqissuussaaneq ataani uuttuutit agguaqatigiissinnerattut naatsorsorneqarpoq, tak. § 308, imm.

6, aningaaserinermik suliffeqarfiit pillugit inatsimmi, tamatuma kingorna 10-mik agguarneqarluni. Uuttuutit marluk qulaani uuttuutit assigivaat.

Uuttuutit aamma aqqissuussaaneq

	2019
Aningaaseriviup oqimaaqatigiinnera, Kalaallit Nunaanni aningaaseriviit aamma realkreditimik taarsigassarsiisartut aamma fondsmæglerselskabit I-t ataatsimut oqimaaqatigiinnerisa pct.-ia	86,5
Aningaaseriviup Kalaallit Nunaanni taarsigassarsiarititai, Kalaallit Nunaanni aningaaseriviit realkreditimillu taarsigassarsiisartut ataatsimut taarsigassarsiarititaasa pct.-ii	82,5
Aningaaseriviup Kalaallit Nunaanni aningaaserivimmiittuutai, Kalaallit Nunaanni aningaaseriviit Kalaallit Nunaanni ataatsimut aningaaserivimmiittuutaasa pct.-ii	81,7
Aqqissuussaaneq	8,4

Aqqissuussaanermik naatsorsuineq tunngavigalugu aningaaserivik aqqissuussaanermi immikkoortunut inissineqassaaq, tak. § 308, imm. 7, aningaaserinermik suliffeqarfiit pillugit inatsit.

Grønlandsbanken immikkoortoq 2-mut inissinneqarpoq, tak. ataani tabeli.

Aqqissuussaanermi immikkoortut

	Aqqissuussaaneq
Immikkoortoq 1	≤ 5
Immikkoortoq 2	[5-15[
Immikkoortoq 3	[15-25[
Immikkoortoq 4	[25-35[
Immikkoortoq 5	≥ 35

Grønlandsbankenip aningaasaatinut piumasaqaat SIFI-akiliisinnaassutsimut piumasaqaat 1,5 pct.-iusoq eqquutsissavaa, aningaaseriviup aqqissuussaanikkut pingaaruteqarneranik ersersitsisoq (aqqissuussaaneq), tak. § 308, imm. 7, aamma § 125 h, aningaaserinermik suliffeqarfiit pillugit inatsimmi.

SIFI-akiliisinnaassutsimut piumasaqaatit qitiusumik aningaasaativinnik (CET1) eqquutsinneqassaaq.

Danmarkimi inuussutissarsiornermut ministerip, SIFI-akiliisinnaassutsimut piumasaqaatit aqqissuussaannermi akiliisinnaassutsip sinaakkutaasa iluani aalajangertarpai, tak. § 125 h, jf. § 125 a, imm. 6, aningaaserinermik suliffeqarfiit pillugit inatsit.